

Ս. ՊԵՏԵՐՐՈՒՐԳԻ ԴԵՐԸ ՀԱՅԵՐԻ ԿՅԱՆՔՈՒՄ

ՆՈՐԱՅՐ ՍԱՐՈՒՆԱՆՅԱՆ

XVIII դ. սկզբին, Պյոտր Առաջինին հղած իր մի գրությունում հայ ազատագրական շարժման նշանավոր գործիչ Իսրայել Օրին հայտնում էր. «Ձեռ կատկածում, հայանի է Ձերդ մեծություն, որ ժամանակին Հայաստանում եղել են թագավոր և բրիտանյա իշխաններ: Այանց անմիաբանությունը պատճառով ամբողջ Հայաստանի թագավորությունն ընկավ հեթանոսների իշխանության տակ: Երկու հարյուր և հիսուն տարուց ավելի է, որ բրիտանյա ամբողջ այդ աշխարհը հետո է անհավասանի լծի տակ: Ինչպես Ադամի սրբիները հույսով սպասում են Մեսիայի գալուստին, որը պիտի ազատի նրանց հավերժական կորստից, այնպես էլ թշվառ այդ ժողովուրդն է ապրել և հիմա իսկ սպրում է Ձերդ մեծություն ձեռնազրկության և օժանդակության հույսով: Այդպես նախապաշարակել են մարգարեները, թե ժամանակներ հետո անհավասանները խիստ պիտի դաժանանան և հարկադրեն բրիտանյաներին ընդունել իրենց վատթար օրենքը, և ահա այդ ժամանակ մոսկովյան օդոտափառ տնից պիտի գա մեծ մի իշխան, ավելի բաջարի, քան Ալեքսանդր Ահծը (իմա՝ Ալեքսանդր Մակեդոնացին — Ն. Ս.), պիտի իր ձեռքը վերցնի Հայաստանի թագավորությունը և վերականգնի բրիտանյաների ազատությունը: Այս մարգարեությունը մինչև հիմա հավատացել և հիմա իսկ հավատում են ստուգադեմ...»¹:

Օրին հայ քաղաքական մտքի պատմության մեջ ականավոր այն գործիչն էր, որ, երկար զեղերումներից հետո, բացառապես Խուսափում էր հայ ժողովրդի ազատագրական տենչերի իրագործողին: Իսրայել Օրին կամենում էր հավաստիացնել Պյոտր Առաջինին, թե XV դ. ի վեր հայերի ազատագրման ակնկալությունները կողմնորոշված են եղել դեպի սուսական պետությունը և XVIII դարասկզբի ռուս ցարն է այն փրկիչը, որ պիտի իրագործի հայ ժողովրդի վաղեմի ձգտումը: Իսրայել Օրին լծորդում էր «անհավասանների» տիրապետության սկիզբը XV դ. կեսերին գոյատևած Այուսյաց իշխանության վերջին շառավիղների հավակնությանց խորտակման հետ»:

Հայ ազատագրական շարժման գործիչներն այն համոզմունքն ունեին արդեն, որ միայն Խուսափումն է այն իրական ուժը, որի օգնությամբ քաղաքականապես ըզլված հայ ժողովուրդը կարող էր թոթափել օտարատիրության լուծը: Հարկավ, ֆեոդալական-ճորտատիրական հարաբերություններ էին իշխում նաև Խուսափումում, բայց, այստեղ, ի տարբերված

¹ Г. А. Э з о в. Сношения Петра Великого с армянским народом. СПб., 1898, д. 35 Տե՛ս նաև՝ Ա շ ո տ ՝ Հ ո վ հ ա ն ն ի ս յ ա ն. Դրվագներ հայ ազատագրական մտքի պատմության. գիրք I, Երևան, 1957, էջ 13:

² Ա շ ո տ ՝ Հ ո վ հ ա ն ն ի ս յ ա ն ն. Եջվ. աշխ.:

յուն Արևելքի մահմեդական աշխարհի, ֆևդալիզմի ընդերքում դարդանում էին նոր արտադրողական ուժեր, որոնք նախապայման էին նոր արտադրաճարաքարությունների առաջացման ու զարգացման համար: Արդեն այդ պահին Ռուսաստանն իր բարեկրթական մակարդակով անհամեմատ բարձր էր մահմեդական աշխարհից: Նա պատուում էր միջնադարյան սահմանափակության վարադուրը և անհրաժեշտ նախադրյալներ էր ստեղծում ռուսական ազգային մշակույթի, գիտություն ու դրականության գալիք սլացքի համար: Այդ ճանապարհին դյուրին էլ գերազանահասել Պյոտր Առաջինի համառ ջանքերով 1703 թ. Սանկտ Պետերբուրգի հիմնադրումը, քաղաք, որն ազդարարում էր, թե հրապարակ է իջնում կայսրության ձգտող ռուսական հզոր պետությունը: Պյոտր Առաջինը 1712 թ. Պետերբուրգը դարձրեց մայրաքաղաք, իսկ 1721 թ. իրեն կայսր հռչակեց: Հյուսիսային պատերազմում Նավիգային պարտության մատնելուց հետո, Ռուսաստանն իր ռազմական հզորությամբ ձեռք էր բերել միջազգային լայն ճանաչում: Առավել քան թվում էր, որ Ռուսաստանը կիրադորժի նաև դեպի հարավ առաջխաղացման իր ծրագիրը: Բայց Պյոտր Մեծի մահից հետո, տեական մի ժամանակաշրջան, ներքին և միջազգային անբարենպաստ գործոնների պատճառով, Ռուսաստանը չկարողացավ իրականացնել դեպի Անդրկովկաս առաջխաղացման իր մշակած պլանների իրացումը. հետևաբար և անկատար էին մնում հայ ազատագրական ակնկալությունները: Սակայն ռուսական իշխանությունները հայ գաղթականության նկատմամբ հենց Պյոտր Մեծից սկսած ցուցաբերում են շատ բարյացակամ վերաբերմունք: Այս իրողությունը բացատրվում էր երկու պատճառով: Նախ նրանք չեն ցանկանում, որ խախտվի հայ ժողովրդի հավատարմությունը Ռուսաստանի նկատմամբ որպես հովանավորող պետության, և երկրորդ նկատի է առնվում հայ բնակչության օգտակարությունը Ռուսաստանի առևտրի և արհեստագործության առաջընթացի ապահովման գործում:

Հայ գաղթականության զանգվածային աննախընթաց հոսքը Ռուսաստան տեղի է ունենում XVIII դ. 30–40-ական թվականներին: Դրա գլխավոր պատճառն այն էր, որ Ռուսաստանից սպասվող օգնությունը չստացվեց, և այդ թվականներին Սյունիքում և Արցախում ծավալված ազատագրական շարժումները ճնշվեցին, որից հետո բազում հայ ընտանիքներ հարկադրված եղան թողնել հայրենի երկիրը և ապաստան փնտրել Ռուսաստանում: 1722–1723 թթ. Պարսկական անհաջող արշավանքից հետո Պյոտր Առաջինը 1723 թ. հատուկ հրովարտակով թույլ է տալիս հայերին գալ և բնակվել ռուսական պետության հարավային տարածքներում: Դեպի Ռուսաստան հայերի ներգաղթին բարենպաստող քաղաքականությունը շարունակեցին Պյոտր Մեծի հաջորդները: Ուշագրավ է, որ տակավին Պետերբուրգի հիմնադրումից ընդամենը յոթ տարի անց, 1710 թ., այստեղ հիմնվում է փոքրաթիվ հայ գաղութ: Պետերբուրգի հայ գաղթօջախի առաջին ներկայացուցիչները գլխավորապես առևտրականներ և արդյունաբերողներ են եղել: Հիշատակվում են նաև առանձին հայ ծառայողներ և զինվորականներ: Պետերբուրգի 1720–1730-ական թվականների հայ գաղթօջախի բնակչության թիվը չնայած մեզ հայանի չէ, բայց այն փաստը, որ 1730 թ. քաղաքն ունեցել է իր ծխատեղ քահանան (Հովհաննես Շե-

րիտանոսով), վկայում է ձեռագրված Հայ Համայնքի գոյությունը: XVIIII դ. 30-ական թվականներին Պետերբուրգում գոյություն է ունեցել «Հայկական փողոց»: Մեկ է հասել մի ձեռագիր, որն ընդօրինակվել է 1738 թ. Հովհաննես քահանայի կողմից. «Ի արքայանիստ քաղաքն Սանկա Պետրոս Բուրխ»¹: Հայանի է, որ XVIIII դ. վերջում Պետերբուրգում ապրել է շուրջ հարյուր հայ ընտանիք: Նախապես հայերը կենտրոնացված էին Վասիլյան կղզում: Ետտ հայ վաճառականներ և արդյունաբերողներ քաղաքում հիմնում են առևտրական գրասենյակներ, գործարաններ և ֆարբիկաներ: 1758 թ. նորջուղայեցի Իսախանյան կղզայրները Պետերբուրգում հիմնում են Խուսաստանում առաջին փայտափրական ընկերություններից մեկը՝ Պարսկաստանի հետ առևտրի ընդլայնման համար: XVIIII դ. կեսին մետաքսագործական ֆարբիկաներ հիմնեցին Արամի Մանուկովը, Բոդյան Ախվերդավը և Պետրոս Երվանդովը: XVIIII դ. 60-ական թվականների սկզբին առևտրական գրասենյակ է հիմնում Հովհաննես Լազարյանը, որի ջանքերով 1770 թ. կառուցվում է Ս. Կատարինե հայկական եկեղեցին (Յու. Ֆելյանի ճարտարապետությունը)², իսկ 1791 թ.՝ հայկական գերեզմանատան Ս. Հարություն եկեղեցին: 1779 թ. ստեղծվում է Պետերբուրգի և Մոսկովայի հայկական եկեղեցիների միացյալ հոգաբարձությունը:

Ս Պետերբուրգի հայ գաղթածախի առաջին ամենախոշոր երևույթը Գրիգոր Խաղարյանի 1781 թ. հիմնադրած տպարանի գործունեությունն է: Խաղարյանը հնդկահայ էր, երկար ժամանակ ապրել էր Լոնդոնում և իր տպարանը կազմակերպել այնտեղ, սակայն շուտով համոզվում է, որ հայ իրականությունից և շրջապատից կարված չի կարող գործունեություն ծավալել, ուստի տպարանը փոխադրում է հայ գաղթածախ ունեցող Խուսաստանի մայրաքաղաքը: Խաղարյանի տպագրական գործը քաջալերել և օգնություն են ցույց տվել Պետերբուրգի հայերը: Նրա ձեռնարկը մեծ չափով հովանավորել են մասնավորապես Խուսաստանի հայկական թեմի առաջնորդ Հովսեփ արքեպիսկոպոս Արղունյանը և 1760-ական թվականներին սկզբին Պետերբուրգում իր առևտրական գրասենյակը հիմնած և 1764 թ. պալատական ոսկերիչ նշանակված Հովհաննես Լազարյանը: Խաղարյանի տպարանը Պետերբուրգում գործել է 1781–1790 թթ.: Հրատարակել է 14 անուն գիրք, որոնցից առանձնապես կարևոր են «Տետրակ այբբենարան» (Խուսաստանում տպագրված առաջին հայերեն գիրքը), Ներսես Ենոքհայու «Հիսուս սրղի», Եղիշեի «Գիրք որ կոչի Եղիշէ պատմագիրք», Խաղարյանի «Գիրք որ կոչի շաւիղ լեզվապիտուութեան», Կ. Սարաֆյանի «Գիրք որ կոչի բանալի գիտութեան» ձեռնարկը և այլն:

Հայ ազատագրական շարժման ուսսահայ նշանավոր գործիչները (Արդուլյան և Լազարյան) Պետերբուրգում էին բանակցություններ վարում ուսսական արքունիքի հետ՝ Հայաստանի ազատագրման և նրա ապագա քաղաքական կացություն հարցերի վերաբերյալ, այստեղ էին նրանք մշակում հայ-ուսսական դաշնակցային պայմանագրի տեքստը: Մեծ աշխատանք էր տարվում նաև հայոց անցյալը, երկրիեղկված Հայաստանի ներ-

¹ Մ. Մաշտոցի անվ. Մատենադարան, ձեռագիր 3807, թ. 15բ:

² Հրաչյան Աճառյան. Հայ գաղթականության պատմությունը. Երևան, 2002, էջ 100:

կան ուսու հասարակայնությունը և կառավարող շրջաններին ներկայացնելու նպատակով: Ռուսական զինվորական ծառայության մեջ գտնվող Վառլամ Վահանովը թարգմանում է Մովսես Խորենացու հայտնի ողբը՝ «Плач об Армении» վերտառությունը և հրատարակում 1786 թ.: Պետերբուրգում նույն թվականին հրատարակվում է «Նոր տետրակ, որ կոչի հորգորակ» երկը, որը ձոնվում է իշխան Գ. Ա. Պոսյոմկինին: Ուշագրավն այն է, որ ինչպես թարգմանությունների ընտրության, այնպես էլ հրատարակությունների նպատակը Հայաստանի կացության վերաբերյալ ճշմարտապատում պատկերացում ստեղծելն էր, ուսու կառավարական շրջաններին հայ ժողովրդի բաղձանքներին հաղորդակցելը և Հայաստանի ազատագրության ուղղությամբ անհրաժեշտ ռազմական և քաղաքական աջակցության և օգնության կազմակերպումը⁵:

Հովհաննես Լազարյանի հանձնարարությունում 1799 թ. Պետերբուրգում Գրիգոր վարդապետ Տեր-Ստեփանյան Արարատցու կողմից կազմվեց ապագա Լազարյան ճեմարանի կանոնադրության առաջին նախագիծը, որով ուրվագծվում էր այն խոշոր դերը, որ պիտի խաղար Մոսկվայի Լազարյան ճեմարանը հայկական կրթամշակութային զարգացման ասպարեզում⁶:

Ավելի մոտ կանգնած լինելով կայսրության կառավարական շրջաններին, Պետերբուրգի հայկական գաղթօջախի գործիչները խոշոր դեր են խաղացել նաև Ռուսաստանի այլ գաղթավայրերի ամենօրյա խնդիրներին ցանկալի ընթացք տալու ուղղությամբ: Այս առումով կարևոր դեր կատարեցին Հովհաննես Լազարյանը և Հովսեփ Արղունյանը: Սրանց ջանքերով և միջնորդությամբ է, որ XVIII դ. վերջում վերահաստատվեցին նախորդ կայսրերի կողմից Ռուսաստանի հայությանը տրված առանձնաշնորհումները և արտոնությունները⁷:

Պետերբուրգում գրահրատարակչական գործը ավելի լայն թափ ստացավ XIX դ. սկզբից: 1810 թ. «Մորսկայա տիպոգրաֆիա» տպարանում աստրախանցի մշակութային գործիչ և տպագրիչ Հ. Հովհաննիսյանը լույս է բնծայում Գո. Նարեկացու աղոթքը սարունակող գրքույկ («Մաղթանք գիշերայինք»): Նա նույն թվականին հիմնում է իր սեփական տպարանը և մինչև 1827 թ. տպագրում է 10-ից ավելի հայերեն գրքեր, այդ թվում՝ «Քարոզք Նորին կայսերական մեծության...» (հայերեն և ռուսերեն), Աստվածաշունչը և այլն:

1828 թ. Լազարյան ճեմարանը Պետերբուրգում բացում է իր տպարանը, որտեղ լույս են բնծայվում պաշտոնական վավերագրեր (ռուսերեն և հայերեն), ինչպես «Արձանագրությունք, որ վերաբերին առ Հաստատութիւն հաշտութեանն ընդ Պարսկաստանի» (1828), «Գումար բարձրագոյն հրովարտակաց...» (1839) և այլն: Պետերբուրգում 1838-ից գործել է Ալ. Խուդաբաշյանի տպարանը, որը նույն թվականին հրատարակել է տպարանատիրոջ «Բառարան ի հայկական լեզուէ ի ռուսաց բարբառ» երկհատոր աշխատանքը, 1839-ին՝ նրա գրադարանի գրացուցակը «Ցանկ տպագրեալ և ձեռագիր գրոց...»: 1860-ական թվականներին Պետերբուրգում գործել է

⁵ Հայ ժողովրդի պատմություն. հ. IV, Երևան, 1972, էջ 430–431:

⁶ Նույն տեղում:

⁷ Նույն տեղում:

Ռափայել Պատկանյանի տպարանը, որը, ի թիվս այլոց, 1863–1864 թթ. տպագրել է «Հյուսիս» հանդեսը:

XIX դ. երկրորդ կեսին և հետագայում Պետերբուրգում հայերեն գրքերը հիմնականում հրատարակվել են տեղի տարբեր տպարաններում, այդ թվում՝ Գիտությունների ակադեմիայի, Բոկոտիի, Գոլովինի, Սկորոխոդովի, Լիբերմանի տպարաններում: Վերջին երկու տպարաններում հայերեն գրքերից բացի 1887–1898 թթ. տպագրվել է «Արաքս» հանդեսը: Այս հանդեսը վեցամսյա էր, խմբագիրն էր Սիմեոն Գուլամիրյանցը: Հանդեսն ունեցել է լիբերալ-բուրժուական ուղղութիւն: Տպագրել է Րաֆֆու, Ռ. Պատկանյանի, Պ. Պռոշյանի, Ավ. Իսահակյանի, Նար-Դոսի, Ալ. Ծատուրյանի ստեղծագործությունները, թարգմանություններ ռուս և եվրոպական դասականներից: Տեսական և ճանաչողական հոդվածներ է տպագրել Հովհ. Այվազովսկու, Գ. Բաշինջաղյանի, Վ. Վերեջնազիևի և այլ արվեստագետների մասին:

Բեղմնավոր է եղել մայրաքաղաքի «Պուշկինյան» հայկական տպարանը, որը 1890–1900-ական թվականներին լույս է ընծայել բժշկ Ա. Բուդաղյանի բժշկական դիտահանրամատչելի մի շարք աշխատությունները, այլ գրքեր, ինչպես և «Բանբեր գրականության և արվեստի» (1903–1904), «Սափրիչ» (1906–1907) հանդեսները, «Արցունքներ» ժողովածուի համարները (1907): Պետերբուրգում 1867–1872 թթ. գործել է Մ. Միանսարյանցի հրատարակչությունը, որը տարբեր տպարաններում, հրատարակչի տպատառերով, լույս է ընծայել մանկավարժական բնույթի թարգմանական գրքեր և իր՝ Միանսարյանցի «Կանոնավոր և վայելուչ գրություն պատմություն և տեսություն» (1872) խորագրով ձեռնարկը:

Պետերբուրգը արևելահայություն մի քանի սերունդների համար ուսումնական և դիտական կենտրոնի դեր է կատարել: Տակավին XIX դ. 40-ական թվականների վերջերին Պետերբուրգի համալսարանի արևելյան լեզուների ֆակուլտետում բացվում է հայերենի բաժին: 1858 թ. ավարտելով Պետերբուրգի գլխավոր մանկավարժական ինստիտուտը, Քերովբե Պատկանյանը 1861-ից գլխավորել է մայրաքաղաքի համալսարանի արևելյան լեզուների ամբիոնը: Նա 1885 թ. ընտրվում է Ռուսաստանի ակադեմիայի թղթակից անդամ: Ք. Պատկանյանի շնորհիվ Պետերբուրգի համալսարանի արևելյան լեզուների ամբիոնում հայ բանասիրությունը դառնում է համակողմանի ուսումնասիրության առարկա, ձևավորվում է հայագիտության պետերբուրգյան դպրոցը: 1872-ից վարելով նաև Պետերբուրգի գրաքննչական ատյանի հայ հրատարակությունների գրաքննչի պաշտոնը, Ք. Պատկանյանը շատ գրական գեր է խաղացել հայ մամուլի, գիտական և գեղարվեստական գրականության հրատարակման գործում: Ք. Պատկանյանը ուսումնասիրել, ռուսերեն թարգմանել և հրատարակել է Մովսես Կաղանկատվացու, Աբեռուսի, Ղևոնդ Երեցի, Մխիթար Այրիվանեցու, Թովմա Արծրունու և ուրիշների երկերը, Մովսես Խորենացուն վերագրվող Աշխարհացույցը (հայերեն բնագրով հանդերձ): Նա է հավաքել, ռուսերեն թարգմանել և հրատարակել հայ պատմիչների տեղեկությունները մոնղոլների մասին երկհատորյակը: «Սասանյան արքայատան պատմության փորձ ըստ հայ պատմիչների հաղորդած տեղեկությունների», «Դեսպի

Հնդկաստանի փոքր թվատվաքանակի կարծեցյալ արչավանքի մասին» և այլ ուսուցիչական աշխատություններում Ք. Պատկանյանը ճշգրտել է Մերձավոր Արևելքի ժողովուրդների հին և միջնադարյան պատմության մի շարք սկզբունքային հարցեր:

Արգասաբեր է եղել Պետերբուրգի համալսարանի դերը հայոց մտավոր կյանքի առաջընթացի համար: Այն մեծ չափով նստաստել է հայագիտության զարգացմանը, կարևոր գեր կատարել XIX դ. հայ գրականության բազմաթիվ մեծերի կյանքում: Գաբրիել Սունգուկյանի կյանքը ուղղակի է ոչ միայն նրանով, որ հիմք դրեց հայ ազգային գրամատուցության, այլև հանձին նրա ակնհայտ է ուսական գրամատուցության անմիջական ազդեցությունը հայ գրամատուցության վրա: Սունգուկյանը Պետերբուրգի համալսարանում սովորելու տարիներին՝ 1846–1850 թթ., մոտիկից ուսումնասիրեց ուսուցիչական գրականությունը, գրամատուցության: Վերհիշելով իր ուսումնասիրության տարիները, Սունգուկյանը գրել է. «Հենց այն ժամանակ խորացավ և ամրապնդվեց իմ անսահման սերը դեպի թատրոնը, որին նվիրեցի իմ լավագույն տարիները, իմ հոգու մասնիկներ իմ գրվածքները, իմ մտքերն ու զգացմունքները»: Բարձր գնահատելով իր կյանքում Գոգոլի ստեղծագործությունների խաղացած դերը, Սունգուկյանը խոստովանել է, որ Գոգոլի անվան հետ են կապված իր «լավագույն հիշողությունները», որ Գոգոլի անվանը ինքը շատ է պարտական իր սիրով դեպի թատրոնը⁸: Նա խանդավառ հիացմունքով էր վերհիշում իր ժամանակի ուսական բեմի նշանավոր վարպետների խաղը: «... Ինձ ապշեցնում էին, — գրել է Սունգուկյանը, — իրենց խաղով Մարտինովը, Կարատիգին 2-ը, Մոսկովյից եկող Շչեպկինը և շատ ուրիշներ: Շչեպկին — Ֆոմոսովը այժմ էլ իմ աչքի առաջ է, և ինձ թվում է, որ ես հիմա էլ լսում եմ նրա ձայնը, թեև այդ օրվանից անցել է ավելի քան 50 տարի»⁹: Գ. Սունգուկյանի ստեղծագործությունների թեմատիկան և գաղափարաբանությունը շատ մոտ էր ուսական վարպետներին: Օստրովսկուն: Թերևս այդ էր պատճառը, որ շատ գրականագետներ նրան կոչում էին «հայկական Օստրովսկի»:

Արևելյան Հայաստանի տարածքների Ռուսաստանին միացման ավարտը խթանեց նաև հայ արվեստի զարգացմանը: Տակավին XIX դ. առաջին տասնամյակներից սկսվեցին գրի առնվել, մշակվել և հրատարակվել հայ ժողովրդական երգերը: Պետերբուրգում իրար հետևից լույս տեսան մի քանի երգարաններ հայկական տեքստերով: Հատկապես հիշատակության արժանի է 1856 թ. հրատարակված «Ազգային երգարան հայոց» խորագիրը կրող ժողովածուն, որը կազմել էր Ռափայել Պատկանյանը: Սա առաջին հայերեն տպագիր երգարանն էր: 1868 թ. լույս տեսավ Մ. Միանսարյանցի կազմած «Քնար հայկական» նոր երգարանը: 1861 թ. «Իլյուստրացիա» հանդեսում տպագրվեց հայ ժողովրդական երգերի մի ամբողջ շարք:

Հայ երաժիշտներին պրոֆեսիոնալ կրթություն տալու գործում անգնահատելի դեր խաղացին ուսական երաժշտական ուսումնական հաստատությունները: Շատերն են իրենց կրթությունը ստացել Պետերբուրգի

⁸ Գ. Սունգուկյան. Երկերի լիակատար ժողովածու. հ. 3, Երևան, 1952, էջ 482:

⁹ Նույն տեղում: Տե՛ս նաև՝ Ю. В е с е л о в с к и й. Русское влияние в современной армянской литературе. М., 1909, с. 12–13.

կոնսերվատորիայում: Այստեղ են սովորել երգչուհի և մանկավարժ Վերգինե Արծրունին, կոմպոզիտորներ Ալեքսանդր Սպենդիարյանը և Հարո Ստեփանյանը, դիրիժորներ՝ Ալ. Մելիք-Փաշաևը և Միքայել Թավրիգյանը, դաշնակահար, երաժիշտ-մանկավարժ Կոստանդին Ալիխանովը, երգիչ Շարա Տալյանը, ՍՍՀՄ ժողովրդական արտիստուհի Հայկանուշ Դանիելյանը, օպերային երգչուհի Նադեժդա Պապայանը, խմբավար Թաթուլ Ալթունյանը և շատ ուրիշներ:

Թիֆլիսաբնակ Ղորղանյանների ամբողջ ընտանիքը՝ Հովհաննես, Կոստանդին, Նունե, Հեղինե և Մարիա Ղորղանյանները, որոնք դարձան օպերային առաջնակարգ երգիչներ, ռուսական երաժշտական միջավայրի արդասիք էին: Պետերբուրգի կոնսերվատորիայում է 1877–1878 թթ. սովորել կոմպոզիտոր Գենարիոս Ղորղանյանը, իսկ աշխարհահռչակ երաժշտագետ Բարսեղ (Վասիլ) Կորդանովը (Ղորղանյանը), որն ավարտել է Պետերբուրգի ռազմաինժեներական ուսումնարանը, հետագայում դարձավ Մոսկվայի և Պետերբուրգի մամուլի խոշոր երաժշտական հանդեսների թղթակիցը, աշխարհահռչակ մեծ կոմպոզիտորների ստեղծագործությունների մասին ուսումնասիրությունների հեղինակ: Պետերբուրգի կոնսերվատորիայում է իր վնասված կրթությունը ստացել տաղանդալից երգչուհի Մագդալինե Գյանջյանը, որը հետագայում աշխատեց Մարիինյան թատրոնում:

Պետերբուրգի կոնսերվատորիայում ձևավորվեցին խոհուն կոմպոզիտոր և դիրիժոր, մանկավարժ Մակար Եկմալյանի ստեղծագործական սկզբունքները: Նա աշակերտեց Ռիմսկի-Կորսակովին, ստեղծագործական սերտ կապերով կապված էր նաև Ռուբինշտեյնի, Լյադովի, Չայկովսկու և ժամանակի ռուս նշանավոր մյուս կոմպոզիտորների հետ: Հայ մեծ կոմպոզիտոր Ալեքսանդր Սպենդիարյանը Պետերբուրգի կոնսերվատորիայում աշակերտեց Գլազունովին ու Ռիմսկի-Կորսակովին: «Ես ինձ ռուսական այն դպրոցի շարքին եմ դասում, — դրել է Սպենդիարյանը, — որը ստեղծվել է Գլինկայի, Բալակիրևի, Բորոդինի, Ռիմսկի-Կորսակովի և ուրիշների կողմից: Այդ կոմպոզիտորների, ինչպես նաև Գլազունովի և Լյադովի ստեղծագործություններն ամենից շատ են համապատասխանել իմ ճաշակին»¹⁰:

Հայկական ռոմանսի մեծ վարպետ Ռոմանոս Մելիքյանը ևս ստեղծագործական հասունություն ապրեց և որպես տաղանդավոր կոմպոզիտոր ձևավորվեց Մոսկվայի և Պետերբուրգի կոնսերվատորիաներում:

Արևելյան Հայաստանի Ռուսաստանին միացմանը հաջորդեց ռուսական կերպարվեստի զարգացման ժամանակաշրջանը, որը նշանավորվեց աշխարհահռչակ Բրյուլովի, Իվանովի, Վենեցիանովի, Ֆեոդորովի և մյուս նշանավոր նկարիչների ստեղծագործություններով: Սրանց հաջորդում են ռուս «պերեդվիժնիկները», ապա նկարիչների նոր՝ Սուրիկովի և Ռեպինի սերունդը: Իոլորն էլ իրենց բարձր արվեստով ներգործեցին XIX դ. հայ կերպարվեստի զարգացման վրա: Հայ նկարիչների մի ամբողջ համաստեղություն կրթություն ստացավ Պետերբուրգի Գեղարվեստների ակադեմիայում: Նրանք ռուս ակադեմիայի նկարիչների հետ ստեղծագործական սերտ համագործակցություն հաստատելով, հասան բարձր վարպետության

¹⁰ Ա. Շ ա Վ եր դ յ ա ն. Հայ երաժշտության պատմության ակնարկներ. Երևան, 1959, էջ 246:

և իրենց հիմնարար ավանգը ներգրեցին հայ ազգային կերպարվեստի զարգացման գործում: Այդ նկարիչների սերնդին են պատկանում Հովհաննես Այվազովսկին, որը 1833–1837 թթ. սովորել է Պետերբուրգի գեղարվեստների ակադեմիայում, Ստեփանոս Ներսիսյանը, որը նույն ակադեմիան ավարտեց 1842 թ., Հակոբ Հովնաթանյանը, որին ակադեմիայի խորհուրդը 1841 թ. նկարչի կոչում շնորհեց, Աղաֆոն Հովնաթանյանը, որն աշակերտել է տաղանդավոր Բրյուլովին, Հովհաննես Քաթանյանը, որը 1852 թ. ավարտեց ակադեմիան ոսկե մեդալով և ուրիշներ:

XIX դ. երկրորդ կեսին, հատկապես դարավերջին, ստեղծագործական լայն ասպարեզ իջավ Պետերբուրգի ուսումնական հաստատություններն ավարտած և ուսական պրոֆեսիոնալ կերպարվեստի դպրոցի ավանդույթներով և վարպետությամբ կոփված հայ նկարիչների մի նոր սերունդ: Այդ սերնդի ականավոր ներկայացուցիչներից էին Գևորգ Բաշինջաղյանը, որը Պետերբուրգի Գեղարվեստների ակադեմիան ավարտել է 1883 թ., Փանոս Խերլեմեզյանը, որն ավարտել է Պետերբուրգի գեղարվեստը խրախուսող ընկերության դպրոցը և ուրիշներ: Մայրաքաղաքի գեղարվեստների բարձրագույն գեղարվեստական ուսումնարանի ճարտարապետության բաժինն է ավարտել մեծն Ալեքսանդր Թամանյանը, իսկ Ռաֆայել Իսրայելյանն ավարտել է Լենինգրադի գեղանկարչության, քանդակագործության և ճարտարապետության ինստիտուտը: Պետերբուրգում են մասնագիտական կրթություն ստացել ճարտարապետներ Գաբրիել Տեր-Միքելովը (ավարտել է Պետերբուրգի քաղաքացիական ինժեներների ինստիտուտի ճարտարապետական ֆակուլտետը), Քրիստափոր Տեր-Սարկիսովը (ավարտել է Պետերբուրգի կայսերական գեղարվեստական ակադեմիայի ճարտարապետական ֆակուլտետը), Պողոս Զոհրաբյանը (ավարտել է մայրաքաղաքի քաղաքացիական ինժեներների ինստիտուտը), Վարզան Սարկիսովը (Քաղաքացիական ինժեներների ինստիտուտ), նրանք գործել են հիմնականում Հայաստանից դուրս՝ Մոսկվայում, Թիֆլիսում և Բաքվում: Տեր-Միքելովի աչքի ընկնող գործերից է Յալթայի հայկական եկեղեցին՝ կառուցված 1905–1909 թթ.: Հայկական այս եկեղեցին իր ծավալային և ճարտարապետական ձևերի հարստությամբ ու բարձրադիր տեղադրությամբ XX դարասկզբի հայկական եկեղեցական ճարտարապետության լավագույն կոթողներից մեկն է¹¹: Քրիստափոր Տեր-Սարկիսովի նախագծերով են կառուցվել Թիֆլիսի վրաց ազնվականական ակումբի և Սուխումիի թատրոնի շենքերը, փոխաբայի գրասենյակը (ներկայիս Վրաստանի ԳԱ նախադաշույնի շենքը): Թիֆլիսում և Վրաստանի այլ բնակավայրերում (Աբասթուան, Բորժոմ, Բակուրիանի, Գագրա) ճարտարապետ Պողոս Զոհրաբյանի նախագծերով կառուցվել է տարբեր բնույթի ու ծավալի 36 շենք: Զոհրաբյանի (Զուրաբովի) նախագծած ու կառուցած շենքերից հիշատակելի են նոր վեհարանի և մատենադարանի շենքերը էջմիածնում և առաջին հիվանդանոցի շենքերը Երևանում¹²: Ճարտարապետ Վարզան Սարկիսովի

¹¹ Է. Ա. Տիգրանյան. Ճարտարապետ Գաբրիել Տեր-Միքելովյան. – «Պատմա-բանասիրական հանդես», 1962, №1, էջ 62–63:

¹² Գ. Մ. Շիրմազանյան. Նոր Վեհարանը. – «Էջմիածին», 1963, Ա, էջ 43–46:

մասնակցութեամբ ու նախագծերով են կառուցվել «Մետրոպոլ» հյուրանոցի և Պոլիտեխնիկական թանգարանի շենքերը Մոսկվայում:

Պետերբուրգի բուհերն են ավարտել ճանաչված երկրաբան Անդրեաս Արծրունին (Պետերբուրգի համալսարան), նշանավոր տնտեսագետ Ստեփան Գյուլիշամբարովը (Պետերբուրգի տնտեսագիտական ինստիտուտ), պատմաբան, բանասեր Կարապետ Եզյանը (Պետերբուրգի համալսարան), հայագետ Կարապետ Կոստանյանը (Պետերբուրգի համալսարանի արևելյան լեզուների ֆակուլտետ), գրականագետ և արվեստաբան Գարեգին Լևոնյանը (Պետերբուրգի գեղարվեստների ակադեմիա), իրավաբան և պատմաբան Խաչիկ Սամուելյանը (Պետերբուրգի համալսարանի իրավագիտութեան ֆակուլտետ), բանասեր և լեզվաբան Ստեփան Մալխասյանը (Պետերբուրգի համալսարանի արևելյան ֆակուլտետի հայ-վրաց-սլավոնական բաժինը), պատմաբան, բյուզանդագետ, բանասեր Նիկողայոս Ագոնցը (Պետերբուրգի համալսարանի արևելյան լեզուների և պատմաբանասիրական ֆակուլտետները), որը 1903–1904 թթ. խմբագրել է «Բանբեր գրականութեան և արվեստի» հանդեսը, գրականագետ Արսեն Տերտերյանը (Պետերբուրգի նյարդահոգեբանական ինստիտուտ), նշանավոր դիտնականներ Օրբելի եղբայրները՝ մեծ Ֆիզիոլոգ, էվոլյուցիոն ֆիզիոլոգիայի հիմնադիրներինց մեկը՝ Լևոն Օրբելին (Պետերբուրգի ռազմաբժշկական ակադեմիա), հայագետ, արևելագետ Հովսեփ Օրբելին (Պետերբուրգի համալսարանի պատմաբանասիրական ֆակուլտետ), ստորջրյա հնագիտութեան հիմնադիր Ռուբեն Օրբելին (Պետերբուրգի համալսարանի իրավագիտութեան ֆակուլտետ), աշխարհահռչակ աստղաֆիզիկոս Վիկտոր Համբարձումյանը (Լենինգրադի համալսարան) 1928–1931 թթ. սովորել է ՍՍՀՄ ԳԱ Պուլկովյան աստղադիտարանի ասպիրանտուրան, նշանավոր Ալիբիանյան եղբայրները և շատ ուրիշներ:

Պետերբուրգը կրթել է հայագրի նշանավոր ռազմական գործիչներ, որոնցով հսկարտացել են հայ ժողովուրդը և բովանդակ Ռուսաստանը: Նրանցից են հեծելազորի գեներալ, գեներալ-ադյուտանտ, Ռուսաստանի պետական և ռազմական գործիչ Լորիս Մելիքովը (սովորել է Պետերբուրգի հեծելազորի յունկերների գալոցում), գեներալ-լեյտենանտ Ռոստոմ Բեհբուլովը (ռազմական պատրաստութուն է ստացել Պետերբուրգի Պրեբրաժենսկի գնդում), գեներալ-լեյտենանտ Հակոբ Ալխազովը (ավարտել է Երկրորդ կադետական կորպուսը), նավատորմի ծովակալ Հովհաննես Իսկովը (սովորել է Պետերբուրգի Գարգեմարինյան ծովային դասընթացներում): Կադետական առաջին կորպուսն է ավարտել ռուս-ֆրանսիական 1806–1807 և ռուս-թուրքական 1809–1811 թթ. պատերազմական գործողութունների (ճակատամարտերի), 1812 թ. Հայրենական պատերազմի և ռուսական բանակի 1813–1814 թթ. արտասահմանյան արշավանքների մասնակից գեներալ-մայոր Դմիտրի Իվանովիչ Ախաբովը: Նա առաջին է անգրադարձել 1812 թ. պատերազմի պատմութեանը («1812 թ. պատերազմի պատմութեան ակնարկ», 1813, ռուսերեն): Նա է 1826–1837 թթ. կազմել ռուսական զինվորական օրենքների առաջին հավաքածուն, որը հրատարակվել է 1838 թ.:

Պետերբուրգը անանց հետք է թողել հայ հասարակական-քաղաքական մտքի զարգացման վրա: Արևելյան Հայաստանը Ռուսաստանին միացվելուց հետո հայ հասարակական մտքի շատ ներկայացուցիչներ ոչ միայն արձագանքում էին ռուսական քաղաքական կյանքում կատարվող իրադարձություններին, այլև աչքի ընկնող դեր էին խաղում ժամանակի համառուսաստանյան հեղափոխական շարժումների մեջ: XIX դ. 40-ական թվականներին այդօրինակ հայերից էր ուտոպիստ-սոցիալիստ, դրող, րժիշկ Դմիտրի Դմիտրևիչ Ախչարունովը, որը 1846 թ. ավազակներով Պետերբուրգի համալսարանի արևելագիտությունից ֆակուլտետը, անդամագրվում է Պետրաշևսկանների խմբակին և դառնում Ռուսաստանի ուտոպիստ-սոցիալիստական շարժման նշանավոր դեմքերից մեկը: Դ. Դ. Ախչարունովը 1812 թ. Հայրենական պատերազմի ակտիվ մասնակից և այդ պատերազմի առաջին պատմադիրներից մեկի գեներալ-մայոր Դ. Ի. Ախչարունովի որդին էր, ազնվական, շատ ունևոր ընտանիքից: Բայց դա, ինչպես ժամանակին դեկարիստներին, ետ չսլահեց նրան հեղափոխական դառնալուց: Դ. Դ. Ախչարունովի աշխարհայացքը ձևավորվեց դեկաբրիստների, Գերցենի, Բեյլինսկու գաղափարների ազդեցության տակ, «արևմտականների» և սլավոնաֆիլների միջև մղված պայքարի գործընթացում: Պետրաշևսկանների վրա ուժեղ էր նաև արևմտյան ուտոպիստ-սոցիալիստների, մասնավորապես Շարլ ֆուրյեի ուսմունքի ազդեցությունը: Դ. Դ. Ախչարունովն այն ուղիկով գործիչների հետ էր, որոնք կազմեցին պետրաշևսկանների ձախ հեղափոխական-դեմոկրատական թևը, որոնց գաղափարախոսությունը պարզանում էր նախամարքսյան առաջավոր մատերալիզմի ազդեցության ներքո: Պետրաշևսկանների հեղափոխական-դեմոկրատական թևին պատկանող Ախչարունովը գրականության և գեղագիտության հարցերում Վ. Բեյլինսկու հետևորդն էր և իր ընկերների հետ ծրագրել էր սուլազրել և տարածել նրա նշանավոր նամակը Գոգոլին:

Պետրաշևսկանների հեղափոխական-դեմոկրատական թևի բաղձանքն էր տեսնել Ռուսաստանում ճորտատիրության վերացման և բացարձակ միապետության վախճանը: Այդ նպատակին հասնելու համար, ողևորված Արևմտյան Եվրոպայի 1848–1849 թթ. հեղափոխություններով, նրանք ծրագրում էին ստեղծել մի նոր հեղափոխական, մարտունակ ղաղտնի կազմակերպություն և ցարիզմի դեմ նետվել վճռական պայքարի: Սակայն նրանց չհաջողվեց իրադրոծել իրենց այդ մտադրությունը, քանզի 1849 թ. ապրիլին ոստիկանությունը հայտնաբերեց պետրաշևսկանների խմբակը և իրիկույա Առաջինը դատան դատաստան տեսավ նրա լեկավար գործիչների, այդ թվում Դմիտրի Ախչարունովի նկատմամբ: Այսպիսով, Դ. Ախչարունովը և Աբովյանից հետո հայ այն գործիչներից էր, որը հայ հասարակական-քաղաքական միտքը կամրջում էր ռուսական իրականության մեջ XIX դ. 40-ական թվականներին գործող ամենահեղափոխական կազմակերպություններից մեկի պետրաշևսկանների հեղափոխական-դեմոկրատական թևի գաղափարների հետ:

Ասում ենք Աբովյանից հետո, քանի որ Դորպատի համալսարանի ավարտական տարում և հայրենիք վերադառնալուց առաջ Աբովյանի այցելությունները Պետերբուրգ և նրա խոհերը հաստատում են մայրաքաղաքի

Հեղափոխական ընդհատակի հետ ունեցած գաղտնի կապերի մասին: 1834 թ. գեկտեմբերին Աբովյանը մեկնում է Պետերբուրգ, որտեղ նախատեսված երկուսի փոխարեն մնում է ավելի քան Հինգ շաբաթ¹³ և բուռն գործունեություն ծավալում այնտեղ: Մայրաքաղաքում Աբովյանը հրապարակալին ելույթ է ունենում ժամանակի ազդեցիկ մարդկանցից բաղկացած հասարակության առաջ¹⁴, հողվածով հանդես գալիս տեղի գերմաններն լույս տեսնող թերթում¹⁵, շրջաբերական նամակներ է գրում և որպես նոր տարվա շնորհավորագրեր՝ ուղարկում պետերբուրգաբնակ հայ մեծատուններին, կոչ անում նրանց նպաստել հայ ժողովրդին լուսավորելու իր ձգտումներին, այցելություններ կատարում զանազան անձանց և այլն: Այս բոլորը կատարելու համար, ժամանակի իմաստով, Աբովյանից մեծ խիզախում է պահանջվել: Եվ պատահական չէ, որ Պետերբուրգում եղած ժամանակաընթացքում նա անընդհատ փոխել է իր բնակարանը¹⁶, որը նշանակում է, որ նա խախտել է մայրաքաղաք ժամանողների համար պարտադիր մեկ օրվա ընթացքում գրանցվելու ընդունված կարգը: Եվ Աբովյանի այն վկայությունը, թե այդ տեղափոխությունները կատարել է տանտերերի հետ շփումներ ունենալու անհրաժեշտությունից, և որ այդ տեղափոխումների պատճառով նա վնասներ և ամեն տեսակ անհարմարություններ է կրել, նշանակում են, որ Աբովյանը մեծ զգուշություն է գործել Պետերբուրգում: Այդ մասին կա նաև ուղղակի վկայություն: 1835 թ. հունվարի 21-ի նամակում Ստ. Նաղարյանը Աբովյանին գրել է. «Ինձ շատ գուր է գալիս քո գործակատարությունը զգուշ ընթացքը»¹⁷: Այդուհանդերձ, Աբովյանի զգուշավորությունը նրան չի փրկել Երրորդ բաժանմունքի տեսադատ ընկնելուց: Այս առումով չափազանց ուշագրավ է նրա հրապարակալին ելույթի մեջ շոշափված հարցերի արձագանքը Երրորդ բաժանմունքի գործակալ Բուլգարինի խմբագրած ցարապալատ "Северная Пчела" պարբերականում:

1835 թ. Պետերբուրգում անցկացրած օրերին Ռուսաստանի մայրաքաղաքը Աբովյանի վրա անընչելի տպավորություն է թողել: Դա վերաբերում էր ոչ թե մեծ քաղաքից ստացած նրա տպավորությանը, այլ մեծ մասամբ նրա մտավոր կյանքում կատարված բեկմանը: Պահպանվել են Պետերբուրգից Աբովյանի գրած երկու անավարտ նամակները, որոնցից մեկը հենց այդպես էլ սկսել է դրել. «Յուրաքանչյուրի համար հետաքրքիր է ծանոթանալ այսպիսի մի խոշոր մայրաքաղաքի կյանքին... և եթե մարդ դատելու լինի այն բանի հիման վրա, ինչ սովորաբար տեսնում է փողոցում, ապա հեշտություն կկանգնի մարդկանց մասին սխալ դատելու վտանգի առջև»¹⁸: Ինչպես նույն օրերին Պետերբուրգից Աբովյանի դրած մյուս նամակները, սա ևս քողարկված ոճով է դրված. նա հասցեատիրոջը հասկացրել է, որ ինքը մայրաքաղաքին ծանոթացել է ոչ թե արտաքինապես, այլ

¹³ Խ ա չ ա ֆ ու լ ը Ա բ ո վ յ ա ն. Երկերի լիակատար ժողովածու (այսուհետև՝ ԵԼԺ). հ. 10, Երևան, 1958, էջ 176:

¹⁴ Նույն տեղում, հ. 8, 1958, էջ 306-311:

¹⁵ Նույն տեղում, հ. 7, 1958, էջ 33-35:

¹⁶ Նույն տեղում, հ. 10, էջ 176:

¹⁷ Դիվան Խաչատուր Աբովյանի. հ. 1, Երևան, 1948, էջ 250:

¹⁸ Խ. Ա. Բ. ո. վ. յ. ա. ն., ԵԼԺ, հ. 10, էջ 173-174:

ըստ էության, որ Պետերբուրգում իր ուշանալու գլխավոր պատճառը եղել է մարդկանց հետ շփումներ և մտքերի փոխանակություններ ունենալը: Պարզ է ինքնին, որ Արովյանը պետք է շփումներ և մտքերի փոխանակումներ ունենար այնպիսի անձանց հետ, որոնք հասարակական-քաղաքական հայացքներով համախոհ էին Արովյանին, որը հայրենիք վերադառնալուց հետո, որպես բաժանորդ, ստանալու էր "Отечественные записки" ամսագիրը, ուր ռուսական քննադատության բաժինը 1839–1846 թթ. ղեկավարում էր հեղափոխական-գեմոկրատ Վ. Բելինսկին: Իրեն համախոհ անձնավորություններից ստացած անջնջելի տպավորությունների մասին են վկայում նաև ժուկովսկուն գրած Արովյանի հրատեղչտի հետևյալ տողերը. «Այսօր, գուցե, վերջին անգամ իմ կյանքում անցա Ձմեռային պալատի մոտով: Ջերմ արցունքները, որ հոսեցին իմ աչքերից, արգասիք էին այն չքնաղ հուշերի, որ այնքան շատ հիանալի պատկերների հետ ձեր թանկադին պատկերներն էլ հայրենիք եմ տանում, որպես կյանքիս ուղեցույց»¹⁹: Արովյանի նամակում ակնարկված պետերբուրգյան նոր ծանոթությունները, իր համար կյանքի ուղեցույցի արժեք ունեցող մարդկանց հետ տեսակցելը նրան չլքեցին ամբողջ գործունեության ընթացքում:

Խ. Արովյանի սկսած գործը որակական նոր բարձունքի հասցրեց Հայ հեղափոխական գեմոկրատիայի պարագլուխ Միքայել Նալբանդյանը: Պետերբուրգի համալսարանի արևելագիտության ֆակուլտետում 1860 թ. սլաշտպանելով թեկնածուական դիսերտացիա, այնուհետև Նալբանդյանը մայրաքաղաքի հետ կապվեց հեղափոխական ընդհատակյա գործունեությամբ: 1862 թ. մայիսին նա Պետերբուրգում մասնակցեց Ն. Չերնիշևսկու և Ն. Սեռնո-Սոլովեիչի գլխավորած "ЗЕМЛЯ И ВОЛЯ" կազմակերպության ընդհատակյա գործունեությանը: 1862 թ. հուլիսի 14-ին Նալբանդյանը ձերբակալվում է «լոնգոնյան պրոպագանդիստների» հետ կապեր ունենալու համար և բանտարկվում Պետերբուրգի Պետրոպոլիսյան ամրոցի Ալեքսեևյան ռավելինում, որտեղ գտնվում էին նաև Ն. Չերնիշևսկին, Ն. Սեռնո-Սոլովեիչը և "ЗЕМЛЯ И ВОЛЯ"-ի մյուս անդամները²⁰:

Հայերը գործունե մասնակցություն են ունեցել Պետերբուրգում սկիզբ առած նարոդնիկական շարժմանը: 1870–1880-ական թվականներին Պետերբուրգի նարոդնիկական խմբակների անգամ են եղել Կոստանդին Մամիկոնյանը (գործունե մասնակցություն է ունեցել "ЗЕМЛЯ И ВОЛЯ" նարոդնիկական օրգանի հրատարակմանն ու տարածմանը), Օ. Քանանյանը (Պետերբուրգում ստեղծված «Կովկասցիներ» նարոդնիկական խմբակի կազմակերպիչներից), Հովհ. Մանուչարյանը (Պետերբուրգում "Народная воля"-ի 1880-ական թվականների ականավոր գործիչներից մեկը) և ուրիշներ: Նարոդնիկական շարժման ջախջախումից հետո Հայ նարոդնիկների մի մասը հարեց նոր ձևավորվող ազգային բուրժուական կուսակցություններին, ոմանք էլ՝ ռուսական սոցիալ-դեմոկրատիային: 1880-ական թվականներից Ռուսաստանում կազմակերպվում են մարքսիստական խմբակ-

¹⁹ Նույն տեղում, էջ 191:

²⁰ Ա. Ն. Հովհաննիսյան. Նալբանդյանը և նրա ժամանակը. գ. I, Երևան, 1955, գ. II, Երևան, 1956: Տե՛ս նաև՝ С. Д а р о н я н. Микаэл Налбандян. М., 1963.

ներ: 1895 թ. Պետերբուրգում հիմնադրված «Բանվոր դասակարգի ազատագրության պայքարի միութուն» կազմակերպությունում իրենց հեղափոխական մկրտությունն ստացան Բոգդան Կնունյանցը, Արշակ Զուրաբյանը, Հովհ. Մելիք-Հովսեփյանը և ուրիշներ: Պետերբուրգի գլխավոր շտաբի Նիկոլաևյան ակադեմիան է ավարտել գեներալ-մայոր Հակոբ Բագրատունին, որը մասնակցել է ռուս-ճապոնական և Առաջին համաշխարհային պատերազմներին, որպես գնդի հրամանատար: Նա ժամանակավոր կառավարության ժամանակ եղել է Պետրոգրադի օկրուգի գլխավոր շտաբի պետը, ապա՝ գլխավոր հրամանատարը: Բագրատունին միաժամանակ Պետրոգրադի հայկական զինվորական կոմիսարն էր: Նա մեծ աշխատանք է կատարել հայ զինվորներին Կովկասյան ճակատ տեղափոխելու, թուրքական զավթիչներից Արևելյան Հայաստանի տարածքները, ինչպես նաև Բաքուն պաշտպանելու գործում:

Հայերը գործուն մասնակցություն են ունեցել Պետրոգրադում Հոկտեմբերյան հեղափոխության իրականացմանը և խորհրդային կարգերի ամրապնդմանը: Նրանցից էին Լ. Կարախանը (Պետրոգրադի ռադմահեգափոխական կոմիտեի անդամ), Մ. Տեր-Հարությունյանցը (Պետրոպավլովյան բերդի կոմիսար), Հովհաննես Իսակովը (մարտնչել է Ցենտրալթում), Մ. Մարտիրոսյանը, Տ. Ալեքսանյանը, Ա. Վերմիչևը, Ս. Բաբախանյանը, Գ. Խախանյանը և ուրիշներ, որոնք մասնակցել են Չմեռային պալատի գրոհին:

Սովետական Միության Հայրենական մեծ պատերազմի ժամանակ, հայ ժողովրդի զավակները հերոսաբար պաշտպանեցին Լենինգրադը (ոչ միայն բնիկ լենինգրադահայերը) և ընդամենը ջանքերը գործադրեցին քաղաքի շրջափակման վերացման, լենինգրադյան ցամաքում, ջրում և օդում հիտլերյան զավթիչների վերջնական պարտությունն արագացնելու համար: Լենինգրադի 1941–1944 թթ. ճակատամարտի ժամանակ Բալթիական նավատորմի ռազմական գործողությունները ղեկավարում էր ՍՍՀՄ նավատորմի ծովակալ, Սովետական Միության հերոս Հովհ. Իսակովը: Սովետական Միության կրկնակի հերոսի կոչման արժանացավ «Լենինգրադի արժիվը»՝ կործանիչ օդաչու Նելսոն Ստեփանյանը: 1942 թ. դեկտեմբերի 4-ին Պուլկովյան բարձունքների ծանր մարտերում զոհվեց գեներալ-մայոր Բենիամին Գալստյանը: Լենինգրադի պաշտպանության օրերին մեծ սիրանքներ կատարեցին հայ օդաչուներ Լ. Չափչախյանը, Մ. Դավթյանը, Ն. Սազաթելյանը, Գ. Պետրոսյանը, Ա. Ափինյանը, Ն. Սարգսյանը, Ա. Խաչատուրովը, նավաստիներ՝ Վ. Ակոպովը, Մ. Աղաջանյանը, Դ. Մկրտչյանը, սուզանավի մարտական մասի հրամանատար Հ. Հովակիմյանը: Խիզախությանը աչքի ընկան հրետանու հրամանատարներ Ս. Հարությունյանը, Ս. Նարինյանը, Ա. Սարգսյանը, Գ. Բաղդասարյանը, Վ. Հարությունյանը, տանկի հրամանատար Ե. Ավետիսյանը: Լենինգրադի պաշարումը ճեղքելու պատմական փաստաթղթի տակ ստորագրել են Երևանի Կիրովյան կուսըջկոմի նախկին առաջին քարտուղար, գումարտակի հրամանատար Հ. Մելքոնյանը և ռոստովցի հայ Բ. Կալուգովը: Ծանր պայմաններում սևետական կարևոր առաջադրանքներ էր կատարում նավատորմի ջրային տեղամասի պետ Խ. Մամյանը: Բժշկության բնագավառում աչքի ընկան Ս. Կարճիկյանը:

նը, Ա. Կյուչարյանցը: Լենինգրադի հերոս պաշտպանների շարքերում էին Լրմիտաժի դիրեկտոր, ակադեմիկոս Հովսեփ Օրբելին, ՍՍՀՄ ժողովրդական արտիստ Վահրամ Փափազյանը, դերասանուհի Ա. Գաբրիելյանը և ուրիշներ: Մի ժամանակաշրջան էր դա, երբ առաջնային բնադժում տիրական էր հոգու և սրտի դաշինքով կռված մի կարգախոս. պաշտպանելով Լենինգրադը՝ պաշտպանում ես քո հայրենիք Հայաստանը:

Հիրավի. Պետերբուրգը հայոց կյանքում մեծ դեր է խաղացել և հայերն ամեն հնարավորն արել են քաղաքի բարօրության համար: Պետերբուրգը հայոց համար այսօր էլ շատ հարազատ քաղաք է՝ ռուսական ոգու իր խորությամբ և սրտագին հյուրընկալությամբ:

РОЛЬ С.-ПЕТЕРБУРГА В ЖИЗНИ АРМЯН

НОРАЙР САРУХАՆՅԱՆ

Ր Ե Զ Յ Մ Ե

Русские власти проявляли доброжелательное отношение к эмиграции армян в Санкт-Петербург. Примечательно, что спустя всего семь лет после основания Петербурга, в 1710 году, здесь уже создается армянская община. В 30-х годах XVIII века в Петербурге уже существовала "Армянская улица". В течение XVIII – XX веков Петербург продолжал играть важную культурно-просветительскую и научную роль в жизни армянского народа.